



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 12. Viginti septem Præsules ab Innocentio XI. Romana Purpura decorati.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. licum ipsamque sedem Apostolicam
 A. C. 1686. provocarent, intentata etiam anathe-
 matis pœna, nisi cuncta, quæ contra
 Sigeburgensis Monasterii Administra-
 torem hucusque in Bonnanensi Curia
 acta fuissent, intra quatuor hebdoma-
 darum spatium revocarent. Verum
 novæ huic molitioni intrepide sese op-
 posuit Elector, hancque excommunica-
 tionem, utpote in re civili nullam esse
 declaravit, simulque rem ocyus ad Im-
 peratorem ac Imperii status detulit.
 supplicans, ut ipsi hac in re suam inter-
 ponerent auctoritatem, ne quid in Ger-
 manæ libertatis præjudicium attenta-
 retur: Ceterum Archiepiscopus Mona-
 steriensem Episcopatum nonnisi in re-
 bus profanis administravit, eo quod Pon-
 tificiæ confirmationis diploma obtinere
 non potuerit, etsi ipsemet Imperator
 die septima Junii per suum Legatum
 hæcce literas a Papa impetrare stu-
 duisset.

§. XII.

*Viginti septem Præsules ab Innocen-
 tio XI. Romana Purpura
 decorati.*

Innocentius XI, summus Pontifex ea-
 dem die, qua Budensis Urbs a Cæ-
 sareis fuerat expugnata, post continua
 lamen-

lamenta ad Deum effusa tam inopinato ^{Sæc. XVII.}
 tripudiabat gaudio, ut prosperi hujus ^{A. C. 1686.}
 successus cognitionem a Deo sibi an-
 nuntiatam fuisse, non pauci haud te-
 mere arbitrarentur: Eadem etiam die
 secunda Septembris in prævium lætitiæ
 signum tam copiosa Cardinalium in-
 auguratione, ut talis pluribus retro an-
 nis non fuerit audita, sacrum Colle-
 gium auxit; viginti enim septem Præ-
 sules Romana Purpura honoravit. Ho-
 rum primus erat Horatius Matthæi Ro-
 manus supremus Pontificii Cubiculi
 Præfectus ac Damasci Episcopus. II.
 Joannes Walterus Slusius itidem Ro-
 manus, literarum Apostolicarum Se-
 cretarius. III. Dominicus Maria Carpi
 patria Florentinus Cameræ Auditor.
 IV. Joannes Franciscus Negroni patria
 Genuensis, supremus Thesaurarius &
 Bononiensis Legatus. V. Casparus
 Cavaliere Romanus, Cameræ Clericus
 & Belli Commissarius. VI. Jacobus
 de Angelis Pisanus, Urbis Romanæ
 Gubernator & Urbinatis Archiepisco-
 pus. VII. Marcus Antonius Barbarico
 Venetus, Corcyrensis Archiepiscopus,
 postea Montis - Falisci Episcopus. VIII.
 Leander de Colloredo Foroiulienfis.
 IX. Joannes Casimirus Denhof Polo-
 nus, Ord. S. Spiritus Commendator.
 X. Franciscus Maria de Medicis, Flo-
 renti-

Sæc. XVII. rentinus, Cosmi III. Magni Etruriæ Ducis Frater. XI. Raynaldus Estensis patria Mutinensis, Francisci II. Ducis Frater. XII. Michael Radziwekyus Polonus, Gnesnensis Archiepiscopus. XIII. Petrus Matthæus Petrucci Sacerdos Congr. PP. Orator patria Gesiensis, ibidemque Episcopus. XIV. Guilielmus Princeps Fürstenbergius, Germanus, Argentinensis Episcopus. XV. Carolus Ciceri patria Novocomiensis, ibidemque Episcopus. XVI. Franciscus Josephus Saens de Aguirre Ord. S. Benedicti, Hispanus qui in Salmanticensi Collegio per viginti & amplius annos Theologiæ Lectorem egit, & varios sacra eruditione resectos edidit libros. XVII. Franciscus Petrus Salazar Hispanus ex Ord. S. Mariæ de Mercede, Salmanticensis Episcopus. XVIII. Stephanus Camus natione Gallus, Sorbonæ Doctor & Gratianopolitanus Archiepiscopus. XIX. Marcellus Durazzo Genuensis, Apostolicus in Hispania Nuntius. XX. Angelus Ranuccius, Bononiensis, Pontificius in Francia Legatus. XXI. Obizius Pallavicini Genuensis, Papæ Nuntius apud Polonos. XXII. Alexander Verisimus de Lincastro, Lusitanus, supremus Lusitanæ Inquisitor. XXIII. Fortunatus Carafa patria Neapolitanus. XXIV.

XXIV. Leopoldus Comes de Collonitz Sæc. XVII.
 Hungarus, Jaurinensis Episcopus. XXV. A. C. 1686.
 Maximilianus Gandolphus Comes de
 Khuenburg, Germanus, Salisburgen-
 sis Archiepiscopus. XXVI. Fulvius
 Affaldi patria Romanus.

§. XIII.

*Jacobus II. Angliæ Rex conjurato-
 rum insidias eluctatus.*

Quamvis Jacobus II. Angliæ Rex non
 modo plures ex illis, qui conspi-
 rationis in Regem conflatae crimen Ca-
 tholicis falso imputarunt, sed etiam Cal-
 vinistas de nupera conjuratione con-
 victos extremo supplicio mulctasset,
 supererant tamen non pauci ex Puri-
 tanis, qui Caroli I. Regis sanguine non-
 dum satures, etiam Jacobi II. Regis
 sui cruore inhumanas manus suas pol-
 luere anhellabant: Hi ergo ineunte hoc
 anno duos sicarios pacto sanguinis pre-
 tio subornant, qui in Regis cubile clam
 introducti, & sica sclopoque armati sub
 lecti siparium sese occultabant, dor-
 mientem Regem ferali ictu percussuri.
 Attamen Dei pro Regum salute excu-
 bantis consilio factum, ut ambo hi sce-
 lerati forte fortuna deprehenderentur,
 qui unacum aliis hujus conjurationis
 consociis mox capitis poena affecti sunt:
Hist. Eccles. Tom. LXV. E e ne